



Sarajevo, **05-02-2024**

02-5880-1/24

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22), člana 99. Statuta Javnog preduzeća Elektroprivreda BiH d.d. - Sarajevo (broj SD 5211/16-38/2 od 29.03.2016. godine) i člana 16. stav 15. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj U-01-7735-1/23-245/8 od 10.03.2023. godine i Odluke o izmjeni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj U-01-40623-1/23-18/34 od 14.11.2023. godine), v.d. Izvršnog direktora za proizvodnju **donosi:**

ODLUKU

**o izboru najpovoljnijeg ponuđača u Otvorenom postupku javne nabavke broj 200039527
 (broj sa portala javnih nabavki: 1405-1-2-278-3-620/23) –
 Remont postrojenja za transport šljake i pepela**

Član 1.

Najpovoljniji ponuđač za nabavku paketa limova i noseće rešetke za rotacione zagrijače zraka bloka 5 za potrebe podružnice TE „Tuzla“; Tuzla, izabran na osnovu provedenog otvorenog postupka broj 200039527 pokrenutog po Obavještenju o nabavci broj 1405-1-2-278-3-620/23 objavljenog na „Portal javnih nabavki“ dana 22.12.2023. godine je:

„TEMM-TUZLA“ d.o.o. Živinice

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku javne nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenata iz člana 45. stav 2) pod a), b), c) i d).

Obrazloženje

U predmetnom postupku javne nabavke ponude su blagovremeno dostavili sljedeći ponuđači:

- | | | |
|----------------------------------|---------------|-------------------------|
| 1. „TEMM-TUZLA“ d.o.o. Živinice | sa cijenom od | 449.300,00 KM bez PDV-a |
| 2. „ERAX-INVEST“ d.o.o. Banovići | sa cijenom od | 450.000,00 KM bez PDV-a |

Zapisnik sa otvaranja ponuda po Otvorenom postupku broj 200039527 od 24.01.2024. godine dostavljen je učesnicima predmetnog postupka u skladu sa odredbama Zakona o javnim nabavkama BiH („Službeni glasnik BiH“, broj 39/14, 59/22) i podzakonskim aktima.

Komisija za javne nabavke imenovana Odlukom direktora broj 02-55-2-11137-1/2023 od 19.12.2023. godine izvršila je otvaranje, pregled i evaluaciju pristiglih ponuda i utvrdila sljedeće:

Ponuda ponuđača „ERAX-INVEST“ d.o.o. Banovići ne zadovoljava eliminatorne kriterije zahtijevane tenderskom dokumentacijom zbog toga što se jedina potvrda o uredno izvršenom ugovoru koja zadovoljava uslov minimalne vrijednosti pojedinačnog Ugovora od 100.000,00 KM bez PDV-a ne odnosi na poslove remonta kotlovskih postrojenja iz specifikacije ili remonta sličnih postrojenja koja u svom sastavu imaju: transportere šljake, drobilice, pneumatski transport pepela, postrojenja za podgorjevanje.

Iz naprijed navedenih razloga, odbacuje se ponuda ponuđača „ERAX-INVEST“ d.o.o. Banovići, prema odredbi člana 68. stav 4. tačka i) ZJN BiH, jer ista nije prihvatljiva.

Druga dostavljena ponuda zadovoljava eliminatorne kriterije zahtijevane tenderskom dokumentacijom.

Na osnovu kriterija “najniža cijena”, ponuda ponuđača „**TEMM-TUZLA**“ d.o.o. **Živinice** je povoljna sa ukupnom cijenom ponude u iznosu od **449.300,00 KM bez PDV-a**, te je nakon izvršene ukupne ocjene osvojila prvu (1) poziciju po predmetnom javnom nadmetanju.

Na osnovu navedenog odlučeno je kao u dispozitivu Odluke.

Pravna pouka:

Protiv ove Odluke može se podnijeti žalba ugovornom organu (JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla) u roku od 10 (deset) dana od dana prijema ove Odluke.

CO:
- Ponuđačima
- 502
- a/a

v.d. Izvršnog direktora za proizvodnju
Fahruddin Tanović

